

劉文清公遺集

劉文清公遺集卷第六

五律五十八首

槎河山莊

并序

東坡詩中九仙山有二其云在東武奇秀不減鴈宕者余家實依其麓曾大父西溪農部之別墅也以付大父青岑方伯亦為別業傳至第二伯父家焉草堂有二齋廬倍之樓為內室者三先文正公嘗讀書其中之錦秋亭逮後兄弟七人析而居之雞棲豚柵畧無隙地食指漸多而產不加昔勢固爾爾由九仙而東為大勞小勞前人謂滎城縣之滎即勞

字之誤蓋勞山成山也又有五蓮山明神宗時山僧醫目有效敕建光明寺其額尚在遊九仙者必游五蓮坡詩未及殆以爲一山耳圖中蒼翠絲亘可數百里傍海諸峯面目斯在唐生畫此卷王麓臺前輩題謂可爲元明人後勁是其生平合作向在第十六叔父善溪先生處聞以授余因爲五詩附書卷中以求題詠而敘其緣起如此

有墅頗蕭爽依山傍海濱相逢采藥侶髣髴種桃人服餌藟兼朮蠶絲榭又椿資生聊取具俗樸未言貧兩世作別業閒中時一過藩籬從缺漏書史自駢羅

但覺幽棲好寧論歲入多到今勤菽麥無地借煙蘿
畫裏山容古尋真日月長靈仙何縹渺雲海自蒼茫
僧舍鐘魚近田家七箸香錦秋亭畔路陳迹未能忘
故物今餘幾叢殘雪後鴻良工心獨苦哲匠語還公
往事浮雲外流年逝水中園亭童稚見華髮已成翁
諸父一人在年來稀信音平生惟筆硯久矣謝朝簪
付囑知偏惜流傳意共深待求篇什富持慰老人心

君山眺覽

茲邑既臨海此山仍瞰江雲帆來處一沙鳥去時雙
老衲依林麓羣漁聚石缸昔賢詩總好應爲覓僧窗
擬皇甫曾送陸羽歸惠山采茶

知水莫如子甘從舌本生惠山泉最好陽羨路堪行
正待春雷發收將玉蘂清松風兼竹雨并作客窗聲
擬高青邱夜投西神寺

蕭寺晚逾好無人風掩扉到來行客倦坐定乞僧歸
粥熟齏鹽少鐙明煙火微更深撥煨芋軟語共依依
擬李頎題獨孤常州湖上林亭

結構有精意經營從到官頻時邀客賞常日借人看
窗為當山翠松能入夏寒簿書仍委積樽俎自清餐
已識從游樂因知比戶安風流非側帽美政似公難
擬杜樊川題茶山

一自傳茶飲何山產是魁此邦富靈異草木媿瓌才

萬樹春回綠千巖雨長苔和歌方宛轉助叫更喧
玉蘂家家種珠苞日日開搜尋歸袂襯蒸焙入亭臺
籠要筠寬織囊須絹窄裁清香含細霧濃味發輕雷
貢驛飛騰去商船迤邐回土宜誇綠雪天氣怕黃梅
太守牽帷出山僧攜鼎來贈隨書一紙賜比錦千堆
有客尋蠻洞逢春怯酒杯題詩寄孤賞午夢破塵埃
擬高青邱春申君祠

昔日楚公子今將畊釣鄰從來珠履客何處棘門人
往事春如夢空山座有塵誰翻送迎曲椒酒奠遺民
擬郎士元送韓司直路出延陵

行矣漢司直船平江不波經由季子國美俗問如何

吳地晚陰重，楚天春鴈多。到官公事少，勝蹟數能過。
擬韋左司奉送從兄宰晉陵

伯氏試爲政，渡江春水生。好同頒白載，還聽擢歌行。
季子仍遺俗，吳封認古城。看雲若相憶，遙播誦弦聲。
擬陸龜蒙送延陵張宰

散人真自佚，長吏詎能閒。君去但飲水，相思猶隔山。
蕪田經歲熟，浦戶一春還。得句頻頻寄，煙波浩渺閒。
擬張祐晚次荆溪呈崔明府

行客倦薄暮，懷人方倚楹。此邦有賢主，相見眼偏青。
坐看漁樵侶，時聞歌誦聲。詩囊剩千首，待子和章成。
擬杜樊川茶山下作

作吏不妨傲看山到日西峯巖美無度雲煙深一溪
麋鹿陽坡臥提壺幽樹啼山中人自樂酒榼隔林攜
擬山谷送舅氏之官宣城二首

宣城古名郡利器待吹毛吾舅政如此心閒非養高
溪山恣幽賞簿領付諸曹寄我謝公詠比之金錯刀
白也真浪跡放歌誰爲聽青山正如畫拄笏坐危亭
想見古人意履綦猶在庭扇頭雲物好幽徑可頻經

手爐

何物禦三冬鑪深活火紅名工洛陽客巧鑄首山銅
提挈形惟便方圓製不同底平無艱危蓋透盡玲瓏
藏焰經時暖添香擢縷通曉安龍尾畔夕臥鳳紋中

研滴寧防凍茶甌或暫烹烘繡苞銀作裏瓦缶竹爲籠
素樸誰云陋豪華不厭豐由來出新意變化更難窮

暖研

呵凍煩紅頰寧知暖研良水將清淨貯火向靜深藏
石作溪涵潤煤疑竈熱香薰蒸和燥濕融冶濟溫涼
無復冰花結能添墨瀋光雪窗寒不覺書興夜偏長
布漆高爲蓋鎔金厚作匡課童勤酌劑題句費評量
石鼎誰吟咏丹鑪可比方坎離兼妙用制器義何臧

苔

雨後侵階長池邊學草生幽人三徑滿老樹半枝擎
埋碧多年化編錢貼地平竹連春院色鶴啄石壇聲

蝸殼黏餘溼龜紋坼乍晴響廊愁屣滑蝕字惜碑橫
古器爛斑似新圖點染成松陰濃處厚螺黛洗來輕
織翠機頭錦浮青水上萍常時隨意坐不待展桃笙

雙輪車

誰作隻輪車疑從匠斲餘兩轆翻在後幾輻未全疎
旁帶叔孫杖前牽諸葛驢一箱分左右有蓋似籬篠
掀淖常將伯升高或助予奮前同許許甚憊且徐徐
重載流涎麤裝蔽芾樗行時脂亦響駐處倚尋閭
入手隨軒輕中途半實虛坡翁擬欹器語妙更難如
擬趙嘏廣薛道衡昔昔鹽二十首

垂柳拂金堤

不分長堤柳春來惹恨深效顰眉共細妒舞態難禁
風色年年路煙光日日心征人知見否塞外足榆林

蘼蕪葉復齊

上下青山路懿筐弱手提贈花人不見攬翠葉空齊
斜日傷春色和風聽鳥啼那能頻采擷愁思鬢髮低

水溢芙蓉沼

雨過橫塘滿花開曉日濃靚妝窺澥灩清鏡寫丰容
並蒂嫌孤賞同心怨未逢愁紅如有意相對影重重

花飛桃李蹊

人欲歸來未春歸見落花枝枝霏素錦片片舞紅霞
相贈寧堪折無言似暗嗟飄零好顏色誰是莫愁家

採桑秦氏女

冉冉東西陌風和日載陽碧籠攜素手金縷綴明璫
花態分張麗鶯聲借助忙未嗔停五馬轉盼挹流光
織錦竇家妻

宛轉論心曲回環簇錦花人今成久別書報早還家
軋軋三更語迢迢一段霞荆襄何處路好趁鴈行斜
關山別蕩子

迢遞關山路臨歧慘別顏行行千里到去去幾時還
一鴈秋聲遠雙鸞曉月閒淚如朝暮雨紅袖浥爛斑
風月守空閨

門闔金魚鎖莓苔小院中紗窗風度響羅帳月來空

琴寫樓烏怨詩題落葉紅遙憐征戍地或與夢時同
恒斂千金笑

自昔臨風笑能教奉倩憐芳情他日事皓齒為誰妍
悵望人千里周回月幾圓畫欄春日滿花態獨嫣然
長垂玉箸啼

舊著羅衣溼新看玉箸垂一從相別後長似送行時
枕畔明鐙見朝來語燕知唾壺儻貯得試比薛家兒
盤龍隨鏡隱

昔日青銅鏡盤龍不忍看看誰將黛畫淚任浥妝殘
匣掩菱花暗匳藏桂影團凝塵知幾許枉著玉臺安
彩鳳逐帷低

慚愧雙飛翼長年怨別離慵將羅幕卷何處玉笙吹
鴨睡歌雲滿荷圓滴淚滋錦衾空好在惆悵下帷時

驚魂同夜鵲

何似寒枝鵲羈雌夢屢驚疏簾風不動虛幌夜偏明
秋到聞鴻過宵長恨漏清起看七夕渡一水漫盈盈
倦寢聽晨雞

吟喔聞三唱窗明夜向晨愁聽如昔日遺憶送行人
巧妒鶯啼曉偏驚蝶夢春湘風寒未捲杲杲上紅輪
暗牖懸珠網

深閨常暗織網戶挂蜘蛛意緒春來似杼機慵更殊
隙風吹易亂窗月照還無擬詠蠨蛸句東山歎歲徂

空梁落燕泥

春去歸期近所嗟君不同燕留新語軟泥落舊年紅
人遠詩難寄釵藏夢未通琴書從點汙相伴畫樓中

前年過代北

今日憶前年君過代北邊將軍從票兆都護勒燕然
決勝天山外論功玉帳前胡笳聽慣否遠意若爲傳

今歲往遼西

封侯何日事轉戍到如今聞說遼西遠頻來夢裏尋
朔風吹夜帳霜月照秋砧兩地空相憶無由寫寸心

一去無還意

幾見征行者丁年入玉關恩深何以報敵在未言還

沙磧千重度鶯花盡日間計君禿節後歸不及紅顏

那能惜馬蹄

可惜青驄馬金鞍玉鑿蹄慣行沙慘慘不踏草萋萋
試問衝寒雪何如上大隄高樓空佇望猶自未安西

紙扇

古有團圓製今成摺疊形面裁礬紙滑股削竹皮青
輕素黏羅緣烏明押角釘半開能效月全展欲方屏
長柄揮松塵清風翦鶴翎並頭加小束映手透疎櫺
投贈題須滿傳觀遞未停顛書元待醉顧畫或通靈
龍蚓交盤曲溪山乍杳冥攜藏袍袖窄搖動墨痕馨
久矣塵遮庾因之巧憶丁卷舒當午景虛室日泠泠

圍棋

黑白平分子縱橫界畫盤圓規盈寸小方罫四隅寬
朱裏函中色烏絲局上關對舒清簟坐傍立小郎看
狹路遭圍急連環破眼難寇窮追更截敵強劫仍殘
小敗輸囊懊全贏得野歡沈思銷夏日忘熱廢齊紈
絕勝盧呼鬧寧向象戲繁淮南論見知一著莫輕安

詠錢

小小憐阿堵方圓取象精誰言能使鬼何物頓呼兄
姪女差堪數官娃合解爭王郎編太滿沈令製偏輕
榆莢飄難似溪荷疊未成蚌爲雙翼化童說五銖名
歌笑空囊在江流一箇清非珠煩縷貫有字亦金聲

古比尊壘玩新同鈔幣行順時權子母園法貴持平
詠剪刀

珍重并州翦裁縫舊見誇青銅裝處好鑛鐵鑄來嘉
獨脚蝦鬚柄尖頭舊尾义合時雙股薄分去兩鋒斜
漆染光添黝藤纏手便拏用隨金粟尺置近繡裾花
獸錦離天鹿鮫綃破海霞迴文飛寶字連理散春葩
礎杵纔停夜衣裳欲授家鋌錚頻送響聲隔綠窗紗
擬唐人作並和元韻二首

蒼梧雲氣

項斯

雲疑萬古愁愁極不能收疑染楚山碧怨隨湘水流
楓連千葉晚鴈壓一聲秋時作暮江雨蘋洲花白頭

晚春花

項斯

不及豔陽節有花春暮時
乍依開滿樹恰似落殘枝
獨秀看仍好餘芳惜更移
深叢亦天冶爲報蝶蜂知

和劉補闕秋園寓興十首

雍陶

夙有林園興秋來野意多
露垂能白草雨漬更藍莎
埽徑清陰滿披襟爽氣過
泠泠流水奏絕澗遠相和
煙景平臺上松聲小院中
坐看魚亦樂行步鶴能同
葉墜新辭樹池涼更受風
秋光何處遠一鴈去寒空
高僧居處近塵事到來稀
籬菊紫書帶漁竿弄水衣
開窗收竹影展卷見螢飛
一片雲橫白相看久未歸
清曉迎晴旭涼宵待月華
小山溥桂露空谷長蘭芽

池墨朝沈黑茶煙午起斜何須賦招隱宛在野人家
休沐言歸後招要小集時解圍試揮麈馮軾畧觀茶
舊釀中山酒新移大谷梨無煩絲與竹雅奏有清詩
高樹蟬琴寂寒塘蛙鼓喧著書楊子宅樂志仲長園
玉筍班趨闕金魚客到門明時封事少不礙數開尊

孤鴈

崔塗

失羣南去鴈日暮獨何之望望青天渺飛飛紫塞遲
叫雲聲易斷帶月影相隨蘆葦頻驚響寒塘欲下疑

山中尋僧

薛能

高僧棲息處一徑入竹林谷答鐘聲響池同定室心
幡風搖日午花雨落春陰試問忘言叟湯休合解吟

新月

方干

何須三五夜眉細亦清光
池晃壁常滿風高弦未張
初升疑挂戶半落似窺牆
影瘦數竿竹娟娟粉露芳

贈功成將

方干

將畧清沙漠王師罷戰爭
陣圖畱故壘笳吹入長城
馬帶風塵色人懷杖杜情
歸來三錫命志不負平生

劉文清公遺集卷第六

劉文清公遺集卷第七

五律六十一首

學書二首

曉日芸窗暖蕭齋一事無臨撫乘逸興揮灑供清娛
拭硯珍龍尾拈豪愛鼠須驟然忽自笑妍醜竟何殊
筆縱姿還斂鋒藏韻自華折釵猶有股老樹更生花
騰躍尊龍象蟠紆陋蚓蛇子雲嫌小枝雖好未堪誇

簾

瑟瑟穿珠密斑斑削竹稠疎宜常過夏涼愛早知秋
玳瑁裝為押珊瑚曲作鈎依稀籠玉壓的皪隔明眸
堂畫常時罨鑪煙盡日畱朝隨羅幕卷夕映簾紋流

別院棋聲慢深閨午夢幽解聽紅袖下白傅句難酬

草

到處青青遍何曾擇地生春來春去日遠水遠山程
細雨芳菲節斜陽迤邐晴解邀人踏踏慣趁客行行
漢苑荒苔滿吳宮廢沼平褰腰隨意綠書帶向誰縈
賦就王孫怨詩成謝守清天涯同一色塞外不知名
未似花開落還如柳送迎傍階常好在愛護有餘情

雨晴四首

碾屋驚雷走排窗急雨飛電如霜劒製雲作黑山圍
萬瓦方愁沒雙虹忽送歸不知猶未夕延領見斜暉
窪徑衝濤起高檐瀑布懸斜侵牆半溼驟迸瓦生煙

餘灑還蕭颯歸雲更接連
平階休滲却一芥試浮船
樓觀今宵足誰將好句誇
銀流平陸海錦濯半天霞
颯杳泉歸壑晶瑩月照沙
九衢明似畫絲竹響豪家
軒豁高齋夜披襟爽似秋
池平天入鏡簾卷月隨鉤
蛙吹風中響螢光竹外流
一聲何處笛惆悵倚東樓

明妃曲

不惜傾城色心期靜塞塵
漢庭空顧影胡地忽驚春
一識君王面長爲異域人
遠謀竟何有無策始和親

題梁幼循秋水歸帆圖三首

畫裏見歸棹雲邊偕去鴻
生衣猶在桁秋扇正吟風
魚浦晴波淥螺窗夕照紅
一彈小流水涼月入懷空

出郭軟紅盡解帆空翠來句畱楓葉岸興寄蒹花杯
聽雨心先到看雲首重回定知縈遠夢南北屢徘徊
久與西湖別相看眼倍明開軒山獻狀入社友尋盟
勝境供文字名流洽性情早梅倘可折須寄一枝清

題桃源圖

盤礴開仙境條然意絕塵衣冠秦帝制花草晉時春
俗爲深居古人因易世新分明來去路漁客自迷津

書齋八詠

筆

濡翰方臨帖含豪欲屬文新邀管城子舊識中書君
列畧雙題篆探懷五色紋要裝犀象好小字換鵝羣

墨

乍見沈沈黑旋聞細細香髻螺難比色楮素頓生光
斛滿人猶臥頭濡酒正狂子雲元尚白什襲定多藏

研

山骨何人鑿方圓稱意成臨池晨自洗欲雨潤還生
紫愛沈雲色堅聞扣玉聲米顛曾拜石相對定呼兄

紙

蔡氏初傳法臨文每憶渠操觚真莫並削竹更難如
漫贈桓司馬須求女校書時時防燥溼肯使貯衣魚

鑪

文史三冬足鑪添活火勤冰輕融研滴香細暖書芸

那覺琴絃折偏宜雪夜聞郊寒殊未愜詩思正紛紜

扇

動搖懷袖裏炎景漫相干畫值官奴誤書逢內史難
微風生習習秀句詠團團逸韻思安石蒲葵代素紈

茶

石鼎霜漚起松濤雪夜鳴火須候文武水自汲深清
消渴憐司馬沈酣笑步兵不知耽麴蘖何似御風輕

鐙

攤書憐永夜繼晷更焚膏照影全無睡頻挑未覺勞
不須懸蛤鏡自可辨牛毛何處輝金翠長檠吐焰高

消暑十詠和韻

荷

波靜新開鏡，荷平密近窗。
氛氳彌極浦，想像涉秋江。
香愛偏能遠，色看相映雙。
最宜和漏響，急雨葉閒從。

蟬

樹影森森暗，蟬鳴嘒嘒長。
響因高易斷，聲爲續還忙。
隔水聞金奏，臨風噪夕陽。
一枝寄安穩，前劫任螳螂。

扇

當暑偏宜扇，頻揮傍綠叢。
動搖銷午景，懷袖足清風。
爽氣先秋至，炎歎入坐空。
薰和長被物，應共五絃同。

蛙

羣籟清宵寂，蛙鳴遠浦齊。
乍看同草色，已解亂晨雞。

雨過時跳岸泥漫或上隄何殊鼓吹響音會聽高低

螢

草際煙霏夕螢光點淥澄因風潛入戶隔岸乍疑鐙
依約明還滅低迷減又增豈惟矜自照映帙亦時能

冰

玉壺當夏冷知是貯寒冰素質含風迴晶光向月凝
同心清可挹消暑用全憑來處從深壑凌人記似曾

月

明月生今夕平湖好泛舟磴清練皎皎笛遠弄悠悠
落影長孤樹浮光閃急流更無雲點綴天宇淨如秋

雨

忽過平堦雨難分入望村水深魚亦樂泥滑鳥能言
撼撼兼風冷蕭蕭向夜繁炎蒸頓如洗爽氣接朝昏

瓜

瓜愛時新好從知熨齒香摘來疑帶露浮處似含霜
冷翠凝盤久芳甘識味涼水精真可擬宜共蔗漿嘗

蛩

當夏蛩吟切寧知秋未歸風飄聲欲遠露重響還微
斷續和更漏淒清傍夜帷似催煩暑去爲報向寒幾
叔父抑齋先生之官分宜命作詩送行恩恩未
就別後却寄四章

拜別長安道暑風吹綠波未論重會近先數去程多

水驛秋偏早南音語漸謠舟船行未慣眠食定如何
繞郭佳山水雲煙朝暮新文期前輩似俗望古風淳
白粲春珠粒紅鮮網錦鱗懸知爲政樂良未厭清貧
到官公事暇頗憶故園無插架書無恙生階草不除
但今酬夙志何必戀吾廬屢說歸田早前言殆戲歟
阿買定何似論文容繼聲授經雖卒業殖學懼無成
迢遞西江水浴洄萬里情寄詩慙語質應鑑寸心傾

鄒縣謁孟子廟

亞聖猶粉里崇祠近杏壇巖巖瞻氣象肅肅整衣冠
不少三年艾偏多十日寒秋風振庭柏欲去重盤桓
題雲巖詩稿即以爲別雲巖畱子齋浹旬與同

年伊丹木從甥丁文圃昕夕談讌故末章及之
善病憐子季清詩語不煩故園耽小隱長日閉閨門
常與野麋狎時聞簷雀喧餘甘味書史內照每無言
吳越佳山水壘篴好弟兄梅花欲芬馥河東尚崢嶸
且伴蕭齋住待看春水生江干試攜手觸境句還成
暫赴琴堂約還爲枌社歸鶯聲送吟策柳色上征衣
歲好田園樂路長音信稀離人空自戀心逐鴈鴻飛
欲去應回首茲遊興不孤贈詩何磊落有客信魁梧
自可求文律非關覓酒徒鄉人情倍好況復切葭莩

瓜和韻

皮亦醃宜菜矧其甘在瓢紅黃渾似玉榴蔗可同漿

摘熟原逢夏浮深更益涼不須誇五色去酷效難忘

效白香山何處春深好二十首

何處春深好春深富貴家園亭千畝竹錦繡萬重花
玉勒金珂馬紅輪翠鈿車冶遊聯坐客曉上大隄斜
何處春深好春深貧賤家短牆欹帶雨仄徑冷無花
入饌餘三韭移居剩一車劇憐清景在土銼冷煙斜
何處春深好春深執政家棟梁隆夏屋桃李秀春花
黃紙裁新詔青雲滿後車金吾隨兩隊沙路墊長斜
何處春深好春深方鎮家旌門排畫戟歌院唱庭花
校獵千金馬追鋒七寶車畫長鈴閣靜聲報日西斜
何處春深好春深刺史家登車封內雨行縣馬前花

屬吏頒新令官奴從後車兒童迎道左六七隊行斜
何處春深好春深學士家九霄天上路五色筆頭花
內府傳封醞中宮引畫車大家催草詔鸞紙墨行斜
何處春深好春深女學家閒題宮樹葉對譜御園花
珠戶開三閣牙籤掌五車虞郎年最少偷覩臉波斜
何處春深好春深御史家馬驄來柏府衣繡帶霜花
白簡生風奏朱輪避道車殿頭爭認得簪筆一枝斜
何處春深好春深遷客家喜逢天外使飽看日南花
卜瓦疑神語聽禽怕鬼車家人知健否萬里瘴江斜
何處春深好春深經業家黃迷槐市葉紅夢杏園花
赫赫題名紙紛紛擇壻車常愁官韻險沈思燭光斜

何處春深好春深隱士家淵明歸種秫和靖晚妻花
手蠟登山屐兒扶下澤車相逢無主客隨意葛巾斜
何處春深好春深漁父家絲縈三月桺網漏一溪花
磯淨無煩席船平穩似車棹歌歸去晚新月半蓑斜
何處春深好春深潮戶家彩旗翻桂棹驚浪颭桃花
激射錢王弩奔騰伍相車年年成水戲舟楫慣欹斜
何處春深好春深痛飲家綠疑浮鴨毳甜似釀蜂花
看白時成碧聞雷只道車欲眠催客去不正臥茵斜
何處春深好春深上巳家杯流浮曲水褰濺繡攢花
芳草迎嬌馬香塵散寶車遺簪兼隊珥歸路髻鬟斜
何處春深好春深寒食家秋千驚落絮蹴踘鬪飛花

絡繹來東郭娉婷下鈿車
羣腰原草露故趁人斜
何處春深好春深博奕家
一斑時見豹五白乍分花
射得鉤藏手偷來局失車
莫教拈枉矢投向哨壺斜
何處春深好春深嫁女家
問年圓桂魄卜月豔桃花
鐙火明前路笙歌引從車
輾紅塵不動搖曳紫檐斜
何處春深好春深娶婦家
雲屏千疊錦蓮炬一堂花
盤結徐翁玉人看衛叔車
小胥通賀柬鴈翅手中斜
何處春深好春深妓女家
歌殘筵上月舞落鬢邊花
鞭脫珊瑚柄簾開翡翠車
紅樓君見否門隔練塘斜

劉文清公遺集卷第七

三

劉文清公遺集卷第八

五律六十三首

滁州

滁陽舊戰國山勢壓城陰峻壘爲門戶清流作帶襟
梅花春更發南澗暮偏深遺操誰當撫山猿曉自吟
周不窋廟和韻

稽事聞開國生民紀降嘉失官逢叔季轉徙歷戎華
遺廟塵凝座春田綠遍畝無人斟桂醕豐歲自桑麻
酬望山尚書

仁風扇江表人識謝東山得白晝珠外會心秋水閒
宣房恬鴈戶弭節傍魚灣歸路西成好兼收物色還

題畫觀音像

修自聞思入神從水月傳無生觀世界不動閱流年
花雨林間靜金輪相外圓塵勞試回首清淨儼彌天

善溪精舍

細泉隨曲徑卜築愛深幽生意春常駐天機水自流
琴書閒裏味枕簟靜中休會有煙霞客相過盡日留

李廣銅印

飛將隴西著印存名姓畱范銅堅未蝕勒篆動還虬
肘臂思曾繫頭銜歎不侯纍纍襁褓底衛氏詎堪侔

穀子

愈下道仍在寧因處下輕近窗書案穩中室酒筵平

薄厚還須審高低始免傾慎母拋寸木杌隍致紛營

咏箸

木削偏宜黑牙鏤更變紅借來應有策失去竟何功
梳映頗黎側盤欵瑪瑙中解頤親白雪袖手隔春蔥
指染寧知味頭濡亦匪躬方圓兩端異巧匠有深衷

戲嬰圖次高青邱韻

攜出春閨裏將來午檻傍咿啞初解語婉孌未勝妝
稚似鶯遷谷雛疑鳳在岡袖銜青玉釧衿帶絳紗囊
盼盼時呈態行行乍有光丰容誰肖母齒序總呼郎
柳底沾微露花間嗅異香未防苔易跌偏怪院難藏
預想名成驥追思夢兆鳳辟邪分艾佩去垢浴蘭湯

健已超升砌，嬌猶抱上堂。不愁才地劣，惟祝歲年長。
散走珠無定，還歸箭就行。昨朝筵上客，誇語記嘉祥。

塞上雜咏十首次韻

鴈

片影飛何處，黃雲凍不流。關山歷冰雪，歲月記春秋。
結陣臨邊度，傳書到嶺留。賓南知面內，非爲苦寒愁。

月

漢女和親地，秦城築怨年。光流千帳外，影落萬夫前。
晃耀經春雪，淒迷絕漠煙。雄文在隆碣，偏照勒燕然。

草

春綠藏青塚，秋枯臥鐵衣。散來芳意少，惹得燠烟微。

燒闊常難接生稀轉易肥王孫有遠志不爲苦思歸

花

縱苦名難問還憐種競奇有香偏覺好少態更相宜
杖杜詩歌日葡萄酒熟時折將映金醖絕勝綴疎籬

蛩

淒切攪穉月潛藏首蒼根報秋秋更早吟夜夜偏昏
偷得角聲健鬪將鴻韻繁枕戈人有夢休與斷離魂

雲

已覺天長黯騰空更羃天山多延作嶺沙白接如煙
幾戶牛羊臥何蕃帳幕連射雕回首望漠漠隱峯巔

山

路到長城斷封尋古碣迷還軍弓尚挂奏凱甲能齊
遮隔春秋鴈消磨十萬蹠只緣金印大年少競攀躋

水

飲馬寒涼甚尋源斷續微只堪炊蓐食難可斡征衣
岸涸春無草冰堅夜有暉生涯憑射獵誰識釣魚磯

樹

楊柳無消息榆林感士心近關春色早繫馬古痕深
隔磧看成薺連山望似岑將軍能緩帶閒倚散疎襟

雨

霜雪尋常事焉知雨送涼能添馳架重慣助鴈聲長
柳筇烘還直松薪溼亦香未妨輕騎路沙磧少羊腸

蟬聯體賦得松風雪月天花竹鶴雲煙詩酒春

池雨山僧道柳泉

不知幾百歲黛色接高空澗底蒼苔漬峯頭宿霧濛
影將圓蓋似響與古琴同好作幽人侶長聽謾謾風松
噫氣發土囊怒號鼓萬穴何似起青蘋清快殊可悅
衆響廣樂鳴一呖強弩末南浦正秋涼吹亂蘆花雪風
極目黃雲低更無飛鳥歿元猿忽縞衣青山頓華髮
寒江釣未歸幽澗樵應歇客臥初不知開門驚皓月雪
冰輪升碧落三五正高懸暗吐珠千顆平鋪玉一川
清笳秦隴上長笛庾樓前對影何人醉杯中小有天月
終古蒼蒼色行人在一涯不會回日馭幾度換年華談

詭懷鄒衍荒唐說女媧無勞窮眼力望極眩空花

天

翠幄護深叢膽瓶貯華屋試問笑春風何如媚空谷

惟茲九畹蘭好比東籬菊凡草盡掃除畱伴千竿竹

花

長笑文湖州寫真亦約畧牽引長公詩強辨微月落

涼宵影過窗空階風卷籜誰與領清景閒庭餘一鶴

竹

磊落塵埃表丰標舊出羣長言千歲返清唳九霄聞

池館曾爲客軒車或事君有時振雙翮高舉入青雲

鶴

出岫被風牽無心屬偶然藏山度樵客作雨咽秋蟬

冷翠濃於黛暄妍白勝絲清明隨曉日疑是萬家煙

雲

變化態離奇回風忽遇之過溪偏繚繞著樹更紛披

莫覓歸休處貪看去住時何年識楊柳牽引入春詩

煙

好景在眼前，繫風難到手。覓去斬刀圭，得來或駢偶。
無色能療饑，有味不爽口。大笑伊何人，白也將進酒。詩
鸚鵡擎來滿葡萄，釀出新醴陳壽尊。客杯泛會良辰，
溫克裁三爵。沈酒過幾巡，眉山詞翰妙色寫洞庭春酒。
花柳家家好園林，處處宜行人。芳草路遊女靚妝時車，
馬嫌塵浣笙歌愛日遲。欲將春賦寫象管，試臨池。春
靜綠映雕闌，倒影涵珠戶。白浮楊柳花紅，窺桃李樹。
羣遊魚極樂，自怒蛙甚武。曉間幾多添心，知經夜雨。池
望雲膚寸合，聲響樹稍閒。颯颯飄檐急，疎疎點地斑。
逢春欣霖霖，當夏愛潺潺。何處聞泥滑，千山復萬山。雨
積翠聳峻嶒，隨緣得路登。風泉三月雪，雲氣萬重繪。

尖恐搯天宇高疑絳斗稜何人窺石室應有古禪僧
空堂蝙蝠飛古木寒鴉噪夜久佛鐙青磬響禪房窈
半偈演瀾翻三藏盡探討若是臺山姥行人休問道
平生四方志誰能盡株守穆滿馭龍飛秦皇鞭石走
長羨釣鼈人未笑逐日叟無歌行路難更唱春楊柳
千萬黃金穗晴含綺陌煙貪眠初暖日強舞欲風天
弱縷牽行客高枝帶晚蟬華筵歌一曲消破酒如泉
手汲玉琤琮清寒一勺供釀成新綠蟻煎出小團龍
石盆深淺揮豪墨淡濃最憐來處遠古澗漱蒼松

水殿圖

炎暑未相干分金辟曉寒樂宜乘月奏花是映波看

意密尋釵玉情深賦扇紈夜珠添幾許清露在仙盤

和錫明孝廉見和秋懷之什

嶺外梅花發江邊桂樹圓三年勞夢寐幾處費流連
蹤跡聊浮梗心期本直弦交情真似水風月不論錢
未少嚶鳴接難忘鴈序聯屢賡人日句頻詠帝京篇
兀坐如中酒清齋似縛禪望雲心渺渺步月思緜緜
穉子憐聰俊山妻歎髮卷何時同笑語三徑想幽妍
舊雨傳遙信雙魚送報箋旨甘方饌筍佔畢各懷鉛
芹藻初登泮驪黃定刷燕但令珠在握寧使劒淪泉
今日賢良進弓旌特地懸良工仍楮削妙技必楊穿
珍重榮親日飛騰強仕年趨陪鵷侶貴燕譽綵衣鮮

典冊重繙秘鹽齋早破慳壯心驚歲月雅誼尚雕鐫
霄漢能騫翼參商漫別躔誰當輕小草傳意敵芳荃

湓浦琵琶圖

江波未墜月秋思更離情
鐙下殘妝近絃中舊恨明
蕭蕭木葉下淄淄夜潮生
返櫂驚鴻度猶疑轉柱聲

聞歌

客自鐙前舞人誰塞上謳
清風傳靜夜涼月在高樓
射虎心猶壯聞雞鬢欲秋
吳歛何日聽憑爾亂鄉愁
擬太白江上送女道士褚三清遊南嶽

君求還丹訣自製仙桃巾
顏色本傾國心期將入雲
長嘯祝融頂三見蓬萊塵
江風散霞綺送爾餐霞人

大雪日喜雪

一雪先呈瑞，還將節候謀。無風徧原陞，宜麥亦春秋。

麥或秋種或春種已種厚培未種先滋此雪總及時也

共識

皇心召誰能

帝力酬待看，千叟祝豐玉。各盈頭。

蒲筍同澹園二十六弟作

非竹亦云筍，甘芳正爾嘉。泥中蓮植本，水面稻浮花。
皮裏圓成把，心抽脆響牙。雅詩曾入饌，蘆蒂莫相誇。
琴意寫照

曠懷每獨往，一室有鳴琴。宗炳畫中意，成連海上心。
白雲常澹沲，空谷自蕭森。天籟杳無所，迢然誰識音。

雜詠十首

書卷

藏琴或篤愛書易亦相宜
大字畱山谷清風起墨池
平生記元祐唐律寫神祠
坡誠吾寧忘江珧聊朵頤

閒

天下有至樂莊云無有哉
祇應閒裏得原自靜中來
野馬塵埃杳松軒竹戶開
魏公詩句好吟諷一徘徊

禪

我本志求佛有時思得仙
固知春色好終愛夜光圓
龍虎何勞伏人牛莫放眠
華嚴寶樓閣彈指浩無邊

晴

風自西南起雨從辰巳收街甿困泥滑田父盼苗抽
共向朝端慶誰能郭外游最宜清夜坐庭院颯疑秋
畫卷

元末有畸士山農近古狂畫梅或夙世得句亦清蒼
獲研識君物銘詞誇石腸雖非廣平侶也慨北風涼
扇

團圓傳古詠摺疊趁時模或作龍蛇字亦爲山水圖
繡囊憐女子瓊綴競商沽玩好因珍重寧惟祛熱須
茶

茶乃關國計用惟今古通塗經萬里外賞寄一甌中
官榷谷量馬女歌溪轉風一草一木耳豪末泰山同

研

石好世罕識工良今不能產非端與歛質似浴還蒸
年紀大德作印誰風父稱吾書拙堪已愛此費溪藤

玉刻雲房像

睥目又皤腹鬚眉豐且麤相傳昔爲將豪氣未全除
詩作唐人格語將衲子譽何人以瓊琢堅白可能如

玉刻洞賓像

僊人多愛酒刻玉肖頽然每預世閒事常教野史傳
當時安有夢此像亦耽眠我欲撼之醒從渠問小年

竹節刻印

文曰未
免有情

節似無情者情原在節中韻宜風月近貞待雪霜同

昔憶詩吟菜，今隨易點紅。夢牽誰未免，溫飛卿句世人猶作牽情夢遣興寄雕蟲。

豐山前輩以雙魚見惠賦謝索和

饋魚雙卓犖，屢喚木盤回。好叶豐年卜，宜分和鼎來。江湖誠渺矣，芹藻亦佳哉。十客堪爲具，真將鹿角哈。少傅絲綸手，論交信有年。書傳尺素密，詩贈夜珠圓。契合心好水，官聯政喻鮮。吾兩人宦蹟先後一方者屢矣分珍慚里唱，味雋竝新篇。

汪明府本直訪元遺山墓葺之索詩爲作二首
板蕩金元末，文章尚有人。摛詞元自我，談藝更無倫。
庾信哀難並，梁鴻噫又新。一編兼史例，三謝爲存真。

三才通集卷八
九
塵劫興亡後英靈河岳間幾人知宿草有客問空山
或作騎鯨去終疑化鶴還比肩誰哲匠遺躅待追攀
薏草

小草名偏好無憂可要忘葉舒眉上翠花簇額邊黃
窄地嫌泥宛偎人妒粉香莫論高格調點綴繡衣裳

劉文清公遺集卷第八

劉文清公遺集卷第九

七律五十六首

擬唐人作並次其韻書寄廣如弟

贈蜀府將

颯爽英姿鬢已秋
雄心無奈水東流
登樓慣識雲成
陳顧曲偏憐月似鈎
不報鄉音緣遠志
愛邀詞客爲
閒愁赤松他日求
仙隱濯錦江邊問故侯

題李處士幽居

相逢籬下岸烏巾
門有蓬蒿甑有塵
猿鶴未驚徵後
夜煙霞不負病中春
儘饒梨栗娛通子
何必星辰動
故人每到便應忘
世累吾廬瀟灑是天真

秋日郊居有懷一二知己

幾載誅茅傍渚沙，衡門疎柳帶煙斜。一行旅雁天涯夢，數卷殘書處士家。有酒不妨巾可漉，無錢空負菊能花。放懷經世知何似，剩有篇章寄晚霞。

和曹祕監春晴見寄

萬里斜陽正點鴉，春光小駐野人家。却煩祕監裁書尺，來報新晴對苑花。風竹懶眠敲碧玉，艷歌閒聽拍紅牙。多情不忘滄洲侶，可許聯吟也罩紗。

和梅都官送王郎中知江陰同張慕青作

登臨不見風流尹，只有斜陽趁暮潮。江到海門連海闊，鐘傳雲際帶雲飄。都官有句偏多骨，粉署何人更

折腰後進不妨還繼美宛陵篇什古今饒

和元人君山詩

覆釜蒼然認古壕傍城作勢距溟濤丹成有客思乘
鶴槎泛何年問戴鼈往事春申珠履散遺蹤季子蘚
碑高荒唐志乘知難據眺詠聊資賦興豪

擬唐人晉陵大酺

江海雖遙淑氣通銜尊到處飲和同忽聞簫鼓來天
上未信蓬壺在海東地足衣冠逢泰運戶藏紅腐釀
淳風當筵更唱升平曲樂意何殊宴鎬豐

擬楊廉夫訪倪元鎮不遇

懷人那復值秋天倦向空齋閉閣眠共有閒情難久

別各開幽徑未相連橫塘繫纜來今雨素壁題詩認
舊年明日君歸應過我鐵龍引鶴下芝田

擬閩門夜眺

煙籠霧鎖不知秋依約亭臺素月流時有簫聲來遠
巷更憐鐙影在危樓吳宮往事誰能問角里高風自
不猶星斗闌干人未睡夜香何處送眉愁

謝送宣城筆擬山谷作

翰札雖工亦何好耽精幾輩白頭鬚良工利器要相
得四寶三珍今則無尚有宣城諸葛穎能飛墨沼北
溟魚李太白詩墨池
飛出北溟魚煩君寄我慚書拙可詣尚書館裏書

擬南郊禮成七首

天上紅雲在我郊

玉皇將出樹旗旄兩行虎士排金劔幾隊中官列繡袍紫氣漸騰仙掌麗瑞煙先上禁垣高陽和已變隆冬候仗外輕寒試廣騷

齋宮幾日穆然思

聖德先天天不違大樂鏗訇觀鳳舞

宸輿高聳迓龍飛華燈已傍珠旒煥香篆還連玉輦霏行到午門鐘韻朗千官鵠立肅裳衣

萬瓦瓏璵暗帶霜紫壇神位峙中央祠官敬進千齡

祝

天子親升百寶香殿上糾儀垂玉佩階前記注仰龍

光燔柴一縷祥煙起繚繞氤氳徹昊蒼

萬寶應從祀後生浩如百谷注滄溟人間上瑞收嘉
穀天上賢才降歲星萬里車書共文軌二儀珍祕啟
關局一陽復處千祥集獻壽餘甘勝楚萍

帝輦迴時旭日光侍臣肅穆帶天香儀曹方物增新
貢司馬兵戎拓舊疆受賀端門陳玉輅賜醑廣陌散
霞觴衢歌巷舞家家樂膏澤濃霑糲食腸

暖入韶華玉琯時六花輕點近臣衣慶成錫宴張黃
幄兆瑞生芝映紫扉房駟星明天馬至梧岡雲暖鳳
凰飛橋門觀聽連殊域新遣陪臣渡海歸

禮明樂備補崇邱

御製奎文弁上頭金馬碧雞新獻頌桃林華麓久歸
牛省方輯瑞循農畝航海梯山覲

帝旒保佑自天申眷命荅陽錫福徧神州

長夏攤書偶成十二首

幾番伏雨更炎風坐愛清涼丈室中鑪篆凝香雲共
白榴房籠日火輸紅院深長晝蜂聲滿冰薦良宵月
色同獨對一編無長物祇除不放茗甌空

清嚴研几兩相宜南郭忘言坐似癡孤鶴望雲飛有
意游魚在沼樂誰知無絃焦尾新彈得一局紋枰未
下時不待風涼從遠道舞雩隨地遇心期

何處登高望九州大千緣起等浮漚悠揚蝴蝶三春

夢汗漫鯤鵬四海遊
觀化誰酬漁者問
會心獨向靜中求
異同參得南華旨
道術紛紛挽末流

叔孫禮樂蕭何律
草創當年爲救時
恨未洛陽三策見
漫將魯國兩生嗤
傳譌千載輕尊漢
再誤東京僭擬夔
史筆於今畱巨眼
分明只道定朝儀

美人香草意如何
接跡齊梁冶思多
宛轉陽關三疊曲
淒清子夜四時歌
懷人怨女傷遲暮
悟主深宮恨綺羅
千古風騷堪幾變
中流誰障逝川波

命官協律李延年
天馬靈芝樂府編
未似鬪雎化邦國
好供甲帳媚神仙
濫觴徐庾繁音變
拔幟張王古意傳
誰是鋪張揚厲手
更看新製譜絲絃

金源運會壓江東辛苦遺山爲宋風漫道楚材成晉
用那將粵縛笑胡弓人鍾河嶽英靈發思得雲雷變
化通遺憾未教終野史簡端數語汗青同

文壇倚劔壯空同一卷秦聲嗣國風考律黃鍾權量
謹探源星宿地天通蒹葭白露襟期遠駟鐵車鄰氣
象雄刻畫不無妨大雅衣冠楚相效偏工

偶思螺蛤辨元言蘊藉風流世說存常苦蕭蘭同臭
味誰分涇渭各清渾拈來故實金溝富引得新機玉
屑繁僞注淺蕪堪一笑翻成雲霧墮昏昏

萬斛誰傾學海深單詞隻句費追尋蒐羅白孔稱聯
璧掇拾篇章得碎金使事乍拈談有藪取材不匱藝

成林玉溪作劇遺嘲謔飮餽常時亦自箴

山陰內史本清真屈指江東更幾人餘事流傳猶翰
墨當年灑落見精神遺書北伐中興畧誓墓東歸勇
退身樹立迴超餘子上每因握管憶芳塵

繡虎詩成得錦袍幾人聲價一時高江東顏謝篇章
富鄴下曹劉意氣豪誰與致師摩壁壘待看白戰棄
弓刀興來試學雕蟲技自笑兒童篆刻勞

梨花用張吉甫韻

紛紛桃杏萬株稠澹雅誰攢白錦毬寂寞春簾香暗
送昏黃月榭蘂潛抽幽情苦恨三更雨素影閒飄一
院愁羅袖何人畏花落臨風惆悵倚高樓

漁父用李扶風韻

倚櫂風涼醉易醒
煙蓑雨笠是平生
輪垂明月看同滿
絲裊斜陽愛晚晴
家計長贏千頃淥
心期閒伴一鷗輕
行蹤早托紅塵外
好與江湖作主盟

孔雀

尾開翠扇暈南金
難遣丹青貌得真
生處塞鴻飛不到
看來遼鶴舞空頻
雲霞嶺表鍾奇質
羅綺叢中妒麗人
影稱玉樓鸞鏡裏
無勞苦憶越江濱

倚樓二首用高季迪韻

煙籠衰柳兩三行
掩映朱樓夕日黃
欲向西風吹玉笛
不知何處鬪紅妝
平蕪綠遠人千里
落葉聲長夜

有霜籬外晚香無冶態伶俜一蝶冷難狂
十里珠簾戶半開盡教絃管咽亭臺涼風不定歌塵
起夢雨應隨返照來旅鴈一行雲外去鳴磴千杵月
中催深閨獨有無窮思錦字文成欲幾回

古樹苔封

虬枝久已變韶容蒼翠重教碧蘚封幾歲霜風吹不
落三秋霖雨漬還濃挂猿疑著啼時淚巢鶴常畱啄
處蹤記取斑斕橫洞口青青如葉綴三冬

讀三國志二首和韻

虎據中原志不休要將水戲斷江流早知天下有劉
備更歎生兒如仲謀局作三分鷓蚌利才逢十倍子

孫憂當年狼顧相猜否
韜晦能深免借頭
魏亭萬炬蜀江乾
痛憤關張圯將壇欲補東隅收敗局
斲因左次駐鳴鑿隆中策已勞三顧函谷封難效
一丸亦有吞吳遺恨否
忍聞子墨敵銅槃

蘆花

寒江如雪浪流東
兩岸蕭蕭八月中
荷卷萬珠誰共綠
蓼垂千穗欲偏紅
長洲雨過風翻白
南浦秋來月照空
掩映漁舟深幾許
擎音響處覓孤篷

詠史十首

無端和好會澠池
恰似阻兵詐楚時
不約立儲君社稷
敢邀擊缶鬪雄雌
兩人禦侮謀先定
孤注成功勢

亦危一事便教兼智勇未須完璧始稱奇

邯鄲圍急武安兵噉啗空煩老將行救趙却秦公子
力釋紛排難魯連名當時實恐王將醢他日誰教帝
不成已矣臨風相送者千金何處壽侯嬴

師撓地感國將頽誰上先王郭隗臺千里空收良馬
骨百金真買禍燕媒去兮壯士秦庭死老矣將軍冀
北來畧得遼東成底事一函西獻有餘哀

滄海人來博浪沙一揮幾中出遊車深沈未受陰符
畧美好原生相國家結客四君豪氣在報仇千古異
聞誇分明禡得秦王魄白帝真龍却化蛇

老翁七十欲何求奇計雖多值沐猴西上已成天子

氣東歸豈是霸王謀
逡巡竟聽張良返
羽翼蔽還容項伯
畱共奪將軍天下
去論功他日並封侯

鴻鵠高飛避網羅
乃公慷慨但悲歌
愛憐少子徒爲爾
羽翼儲君已付他
三尺會將秦項了
四人不柰綺園何等閒
莫把娥姁怨老去
畱侯畫策多

武帝求仙未識仙
枉勞曼倩到人寰
從教和盡盤中露
猶自難逢海外山
神降乙壇畱暫住
魂來甲帳去無還
秋風遠送金輿返
汾上飛雲萬古閒

少卿却送子卿還
徙倚河橋去住閒
一鴈有書通禁苑
雙鳧無路度關山
異鄉絲竹添歸思
朔野風沙暗別顏
握手贈言俱努力
不須惆悵鬢毛斑

秋風一夕蕙蘭摧腸斷君王却未知他日重來惟見影此時相問更無辭燒殘香縷翻添恨賦盡丰容不解悲惆悵眺蟾臺畔柳年年猶自學蛾眉

喟然一歎素心違異域長辭反似歸徙倚漢庭畱怨惜低徊邊日爲光輝常時寂寂不言好欲去恩恩方悟稀絕代濃華久銷歇却教塞草變芳菲

擬唐人作並和元韻七首

凌歊臺

許渾

三秦麤定遽東回霸業荒涼有故臺羅綺遺蹤雲影散笙歌殘調鴈聲來多情山色晚相照無主野花春自開近郭平田耕欲盡廢基磽确任莓苔

金陵懷古 許渾

三閣荒來六代終，黃旗紫蓋總成空。
衣冠幾入興王籍，粉黛常因勝國宮。
江水流殘千古恨，野花開徧暮春風。
梁朝庾信誰能賦，不見瓊枝落井中。

登故洛陽城 許渾

廢城蕪沒帶蓬蒿，萬雉當時版築勞。
河水紫回連洛汭，邙山縣亘接嵩高。
夕陽有意明空閣，春草無情綠舊壕。
國色天香誰是主，好隨野杏伴山桃。

失鶴 李遠

令威何日化，胎禽蹤跡難。
忘故國心息，翮翬來真似。
寄御風一逝，杳難尋。
緱山月落笙吹曉，遼海雲橫雪。

下深天路迢迢歸底處柱頭重話去來今

詠雙白鷺

雍陶

秋光一片水平池雙鷺絲長似雪垂霧雨藏舟寒不
見霜風卷葦響先知出塵毛羽孤飛影聯璧風標並
立時愛爾林塘添景色詩情畫意總相宜

水墨釣臺

方干

畫家顏色費多般墨瀋成圖妙更難誰寫釣臺煙雨
裏巧安漁父水雲端黑翻天際波猶溼翠點磯頭蘚
未乾疑是富春春渚景羊裘人向此中看

題懸流巖隱者居

方干

幽居遠在水之涯未見高人見釣車千樹桃霞紅掩

映萬條柳線綠文加製衣薜白懸崖蔓曬飯松黃滿
地花寂寂牆垣惟鳥雀纍纍門巷有匏瓜雷驚夏夜
抽鞭筍雨過春畦長菜芽犬臥碾渦迎客起兒吹蔥
葉向籬遮院中井竈清無滓窗際琴書正復斜欲去
却逢巖下叟華陽巾戴舊烏紗

再贈趙雲山松

破浪乘風且少安清臞容貌勸加餐多情試耐文園
渴覓句休如賈島寒檀板金尊誰命酒松枝玉麈只
清談客懷持底將君慰借與青編坐夜關

劉文清公遺集卷第九

文清公遺集卷第九